

WARM-UP

WORD

"Sinasabi ko sa inyo ang totoo, ang sumusunod sa aking mga salita at sumasampalataya sa nagsugo sa akin ay may buhay na walang hanggan. Hindi na siya hahatulan sapagkat inilipat na nga siya sa buhay mula sa kamatayan." **JUAN 5:24**

Ang ibang tao ay naniniwala na ang kamatayan ang ganap na katapusan ng buhay. Subalit, ang Bibliya, at maging ang Apostles' Creed, ay nagtuturo sa atin na maaari tayong magkamit ng buhay na walang hanggan. Ang paniniwalang ito ay batay sa pangako ni Jesus na sinumang maniniwala sa Kanya ng tunay ay makatatanggap ng kapatawaran ng kasalanan at ng buhay na walang hanggan. Ang muling pagkabuhay ni Jesus ay nagbibigay sa atin ng kasiguraduhan na maaari tayong umasa sa muling pagkabuhay ng mga namatay (1 Corinto 15:12). Sa araling ito, ating titingnan ang tatlong benepisyong sakripisyo at muling pagkabuhay ni Jesus.

1 Kay Cristo, napatawad na ang ating mga kasalanan.

Ngunit kung namumuhay tayo sa liwanag, tulad ng Diyos na nasa liwanag, may pagkakaisa tayo, at nililinis tayo ng dugo ni Jesus na kanyang Anak sa lahat ng kasalanan. **1 JUAN 1:7**

Ang ating mga kasalanan ay napatawad hindi dahil sa ating mga mabubuting gawa, kundi dahil kinuha ni Jesus ang kaparusahan para sa ating mga kasalanan. Ang sakripisyong ito na ginawa nang isang beses lamang ay sapat na at maaaring magamit ng lahat nang nagsisi sa kanilang mga kasalanan at naniwala sa ebanghelyo. Ano ang ginawa ng dugo ni Jesus sa ating mga kasalanan?

.....

.....

.....

2

Gaya ni Cristo, ang ating mga katawan ay muling mabubuhay.

²⁵Sinabi ni Jesus sa kanya, "Ako ang bumubuhay sa mga namatay, at ako rin ang nagbibigay ng buhay. Ang sumasampalataya sa akin, kahit mamatay ay muling mabubuhay. ²⁶Ang sinumang nabubuhay at sumasampalataya sa akin ay hindi mamamatay kailanman. Naniniwala ka ba sa sinabi ko?" **JUAN 11:25,26**

Ang muling pagkabuhay ay hindi lamang nangangahulugan na ang ating mga espiritu ay mabubuhay pagkatapos nating mamatay; ito ay nangangahulugan rin na ang ating pisikal na katawan ay muling mabubuhay at magbabagong anyo at magiging mga pinagandang mga katawan (Mga Taga-Filipos 3:21). Sinabi ni Jesus kay Martha na sinuman ang maniniwala sa Kanya ay muling mabubuhay. Ano ang iyong tugon sa tanong ni Jesus sa Juan 11:26? Bakit?

.....

.....

.....

3

Sa pamamagitan ni Cristo, tayo ay magkakaroon ng buhay na walang hanggan.

"Sapagkat ganito ang pag-ibig ng Diyos sa mga tao sa sanlibutan: Ibinigay niya ang kanyang kaisa-isang Anak, upang ang sinumang sumasampalataya sa kanya ay hindi mapahamak kundi magkaroon ng buhay na walang hanggan." **JUAN 3:16**

Ipinadala ng Diyos si Jesus dito sa lupa bilang isang tao, upang kunin ang kasalanan ng sanlibutan at pagbayaran ang kaparusahan ng kasalanan. Ang buhay na walang hanggan ay hindi nagsisimula sa ating pagkamatay; ito ay buhay na puno ng kasiyahan at pagpapala habang tayo ay namumuhay kasama ang Diyos maging dito sa lupa. Batay sa Juan 3:16, paano natin makakamtan ang buhay na walang hanggan?

.....

.....

.....